

Forum Beneficiale, Sive Quæstiones & Responsa Canonica

Materiam De Beneficiis Universam Ex Beneficialistarum tam antiquorum,
quàm recentiorum placitis complectentia. Opus methodo novâ, & clarâ in
tres digestum Partes ... accuratè, ac copiosè instructae

De Beneficiorum Ecclesiasticorum Natvra, Erectione, Qualitatibvs Ad Ea
Obtinenda Requisitis ...

Leuren, Peter

Coloniæ Agrippinæ, 1704

130. Qualiter Vicarius dicatur curatus, & penes eum cura respectivè ad
Rectorem principalem.

[urn:nbn:de:hbz:466:1-74477](#)

Cap. III. De Capellaniis,

Leo: *Thes. fori Eccl. p. 1. c. 31. n. 6.* Quamvis regius dicere videatur de *Luca de paroch. d. 18. n. 12.* citans se ipsum de benef. d. 90, & de jurep. d. 10. similiajura parochialia solvenda occasione sepultura (distinguendo hinc eam partem, quæ vulgo dici solet pro stola, ab ea, quæ datur ratione honorifica associationis funeralis ac laboris merè personalis, ut hæc distinguunt idem *Luc. cit. n. 9.*) & Sacramentorum, puta Baptismi, Matrimonii computanda esse in congrua; quia non sunt talia, quæ possunt esse nulla; cum non possit populus non mori, non nasci, non baptizari: & in pluribus parochis præter horum jurum emolumenta nulli alii sunt redditus, unde congrua constituantur. Item quæ ex merè voluntariâ accidentalí devotione obveniunt, ut sunt eleemosyna altarium & similia, adeò ut ex plurium auctorum experientia quandam certitudinem, saltem moralē, non habeant: scilicet autem, dum dicta moralis certitudo accedit; cum tunc in fructu seu reditu veniant. *Card. de Luca loc. cit. n. 8.* citans se ipsum de paroch. d. 17. & seq. & de benef. d. 90.

Questio 128. *An, & qualiter assignata semel a principio congrua, Vicarius eā contentus esse debeat?*

Respondeo debere illum eā contentum, & non posse impugnare conventionem supra congruam semel factam: sic decisum à Rota decisi. 230. num. 3. p. 6. Recent. testatur ex *Paulo de Rubeis Barb. loc. cit. nu. 43. Corr. loc. cit. nu. 24. de Luca de paroch. d. 19. n. 3.* licet autem tenuitas assignationis ab initio facta non sufficiat, ut ea augeri debeat, *Lott. cit. q. 12. n. 26.* Hoc ipsum tamen non procedit, ubi ita tenuis effecta congrua, ut Vicarius se sustentare nequeat, & sustinere onera Ecclesiæ (uti contingere posset, si ab initio congrua non esset assignata in speciebus, seu fructibus virtutis sufficientibus; sed etiam pecuniâ, quæ ob sensim auctam annonæ caritatem jam minus sufficiens est, *Lott. loc. cit. nu. 27.*) tunc enim non agitur de Vicarii tantum, sed & Ecclesiæ & Ordinis clericalis præjudicio. *Corrad. Barb. loc. cit. Lott. n. 28.* Quod ipsum tamen in dubio non præsumitur, adeoque ex parte actoris justificari debet, quo causa solum supplementum necessitatis peti posset. *Luca loc. cit.* In summa itaque si inter Rectorem & Vicarium semel facta conventione seu concordia super aliquorum bonorum seu jurum assignatione, præsertim si diu servata, servanda erit; etiam si tractu temporis unius vel alterius partis laissa seu præjudicialis efficiatur; quoties laeso ad iniquitatem non reducitur, de *Luca de paroch. d. 33. n. 11.*

Questio 129. *Ad quem spectet congrua Vicaria perpetua pro tempore, quo vacat?*

Respondeo: cum Vicaria istiusmodi perpetua erecta in titulum regulentur jure beneficiorum, & fructus beneficii, etiam curati, pro tempore vacationis, quoties non intrat constitutio Julii III. ad favorem Camerae, de jure pertinent ad Ecclesiam, atque ex ejus persona ad successorem; hinc derracto solum salario, quod Ecclesia vacante præstari debet economo seu Vicario provisionali ad presumptum Trid. congrua annales decisæ tempore vacationis spectabunt ad Vicarium perpetuum defuncti, seu aliter decedentis successorem, de *Luca de paroch. d. 21. n. 2.* Adeoque hoc dependet tantum, ubi tam erectio Vicaria,

quam assignatio congrua jam effectum sortita est, ita ut agatur de tempore vacationis ob celum vel deceplum possessoris; tunc enim congrua jam taxata dicitur dismembrata à monasterio vel Capitulo, ejusque bonis ac redditibus; non vero procedit, ubi erectio nondum effectuata est, sed solùm adest sententia vel provisio de erigendo; cum tum adhuc secuta non dicatur dicta dismembratio, seu bonorum separatio, de *Luca ibid. n. 9.*

Questio 130. *Qualiter Vicarius dicatur curatus, & penes eum cura respectivè ad Rectorem principalem?*

Respondeo primò: Vicarios (intellige non intitulatos) non dici propriè curatos; cum is, qui vice alterius curam exercet, curatus non dicitur. *Lott. l. 1. q. 20. n. 149.* citans *Felin.* vide eundem n. 140. & dicta suprà ad q. 1. de *Vuariis.*

2. Respondeo secundò: Vicarium perpetuum, & non Rectorem principalem, seu habentem curam habitualē, tantum dici curam animarum habere. *Barb. l. 3. juris Eccl. c. 6. n. 30.* Vide dicta suprà.

3. Respondeo tertio in genere: curam (intellige habitualiter seu habitualē) residere penes Prælatum seu Rectorem beneficii uniti; cura vero exercitum seu curam actualē penes Vicarium in illo beneficio unito deputatum. *Barb. loc. cit. n. 28. & seq.* cum communī.

4. Respondeo quartò specialiū: cum cura animarum incumbit Capitulo, non ut singulis, sed ut universis (uti sape fit, & bene; licet enim ius parochiæ seu curæ sit quid individuum, scilicet ac exercitium, curæ, quod dividuum est; adeoque nequeat esse dividuum in plures; potest tamen esse apud unumquemque multorum in solidum, exemplo jurisdictionis, aliorumque jurium individualium, atque ita inter Capitulum & Ecclesiam contrahi matrimonium spirituale; cum pluralitas in hoc sensu non consideretur, nisi ad constituendam universitatem, & consequenter ad unam personam factam; ac ita capitulo seu Canonici in universum esse, & dici Rector Ecclesiæ & sponsus, *Lott. loc. cit. n. 115. & seq.*) illudque eam administrat per plures, vel unum ministrum amovibilem, verus Rector est ipsum Collegium. *Lott. l. 1. q. 14. n. 93.* citans *Gonz.* ad reg. 8. gl. 6. n. 71. Videlique tunc per illud aiud non committi, quam nudum officium circa ea, quæ sunt Ordinis sacerdotalis, retentis his, quæ sunt jurisdictionis & regiminis. *Lott. ibid. n. 94.* citans *Lapum Alleg. 5. n. 7.* si vero eam administret per Vicarium perpetuum, aut per unum ex obtinentibus dignitatem in ipsa Ecclesiâ; tunc is quidem dicitur curatus, non curâ collegi, seu curâ familia; sed curâ parochianorum, nihilominus ius illud principaliter radicatur in ipso collegio, curaque habitualis ipsa apud illud resideret. *Lott. ibid. nu. 100. & seq.* qui tamen nu. 104. addit: quod si Collegium habet Prælatum, tanquam ipsius Collegii caput omnem jurisdictionem & omnem curam, quæ alias ipsi Universitati competeteret, apud ipsum Prælatum esse. Porro contingere potest, ut cura exercetur in Collegiata, & tamen cura non pertineat ad Collegium, neque etiam illa Collegiata sit curata; imo ut Collegiata sit simul curata, & tamen cura jure aliquo speciali spectet ad aliquem extraneum, qui tunc erit verus sponsus & Rector. *Lott. l. 1. q. 20. n. 131. & 13.* quin etiam, ut Ecclesia sit Cathedralis & simul curata; curaque neque

neque penes Capitulum universum, neque penes ullum ex Canonis; sed tota resideat penes Episcopum; qui & ipse tunc dicitur Rector illius. Lott. *ibid.* n. 133. qui tamen tunc nullum ex Canonis vel beneficiis illius Ecclesie invitum gravare poterit, ut illius cura exercitum subeat; Lott. n. 134. citans Gonz. *cit. gl. 6. n. 70.*

5. Respondeo quinto: quod si in Ecclesia aliqua non Collegiat curam subordinati administrat curam, dicendum erit, curam habitualis esse penes eum tantum, & hunc solum dici Rectorem, qui principalis est in ordine, & cui alii subordinantur. Lott. *ibid.* n. 139. citans Jo. And. & But. *in c. cum non ignores, de prab. pricipiis si ille colligeret jura & emolumenta illius Ecclesie, & ceteri de manu illius suas portiones; illud enim, ut dictum aliquoties, signum est clarissimum (etsi per accidens quandoque fallat, dum alius, qui non est verus Rector, jure aliquo speciali, immo laicus ex iuncto Papa perciperet decimas, & alia quaedam. Lott. loc. cit. n. 135.) Rector est persistens penes eum etiam cura habitualis. Lott. *ibid.* n. 140.*

6. Respondeo sexto: quod si in tali Ecclesia non collegiat cura administratur per plures non subordinatos inter se, neque ad esset capitulum, vel collegium aliquod, per quod cura illa demandaretur, singuli non dicuntur sponsi & Rectores illius Ecclesie, ne plures sponsi uni Ecclesie tribuantur; & quia jus parochia est individuum; neque eriam ullus eorum, sed vel proprius curatus, qui illis omnibus praest, vel si talis non sit, ipse Episcopus; vel denique, si nec sit Episcopus, ipse Papa; & isti habebuntur instar Vicariorum talis sponsi seu Rectoris. Lott. *ibid.* n. 141. citans Host. Imol. *in c. cum non ignores. & alios plures*

7. Respondeo septimo: ex de Luca *de parochis* d. 37. n. 40. & 41. diligenter attendendum, an superioritas vel alia praeminentia vel potestas, quam capitulum vel monasterium, vel dignitas aliqua habet in parochiali, importet curam habitualis ratione formalis unionis, seu quod ea sit membrum ac de mensa, vel econtra dictum jus, potestas vel Superioritas importet solum qualitatem patronalem, vel protectionem &c. universaliter jure habituali ac actuali residente penes providendum, non curato vocabulo seu nuncupatione, an scilicet dicatur Rector, an Vicarius, quoniam non verborum formula, sed substantia veritatis attendi deberet.

Quæstio 131. Ad quem spectet cura & administratio beneficii, Vicario perpetuo mortuo, resignante, vel deposito, interim dum alius substituitur?

R^Espondeo: esse penes Rectorem principalem. Laym. *ad c. querelam. de jure jurando. num. 3.* ita ut dum cura habitualis Ecclesie parochialis unitate monasterio spectat ad ejus Pralatum, haec exire posset in actu, & dictus Pralatus eam exercere seu actu administrare dictam Ecclesiam. Laym. *in qq. can. de elect. q. 208. in fine.*

Quæstio 132. Quid jurisdictionis in Ecclesia competit Vicario respectivè ad Rectorem principalem?

1. R^Espondeo primò: Vicarium perpetuum habere jurisdictionem ordinariam, seu curam animarum ordinariam secundum exercitum, seu utilem. Laym. *ad c. 1. de off. Vic. in 6. n. 1.* sed neque Vicarius parochialis temporalis jurisdictionem de-

legatam habet, sed quasi ordinariam; cum non habeat diversam, sed eandem cum eo, cuius vices gerit, exercet ad modum, quo de Vicario generali Episcopi dicitur, sitque ei substitutus in ordinaria jurisdictione, officio, & cura. Laym. *ibidem n. 3.* Secus est de Vicariis temporalibus illis, qui loco alterius absentis aut infirmi constituantur. Laym. *ibid.*

2. Respondeo secundò: exercitum juris parochialis in pertinentibus ad curam animarum spectat ad Vicarium, licet exercitum juris parochialis in pertinentibus ad extraneam defensionem, vindicationem, & forum contentiosum pertineat ad principalem Rectorem; unde & capellæ seu parochiæ unitæ monasteriis dicuntur monachorum, non Vicariorum. Zabarell. *in clem. unic. de off. Vicar. q. 10.* apud Laym. *ad c. 3. de off. Vicar. n. 2.*

3. Respondeo tertio: Vicarius perpetuus postquam institutus vix quidquam amplius dependet a Rectore principali; cum jus reale beneficii curati ordinariæ auctoritate coassecutus sit, quo spoliari non potest, nisi per judicis sententiam ob crimen. Laym. *ad c. 3. de off. Vicar. n. 2.* habeatque administrationem, seu cura exercitum auctoritate juris de per se, in eoque nullo modo dependeat a Rectore principali. Hinc primò non potest per illum in exercitio cura impediri. Anchoran. *in c. expositi, de prab. in 6. apud Barb. l. 3. juris Ecc. c. 6. n. 31.* Lott. *l. 1. q. 33. n. 109.* Secundò: nequit Rector Vicario invito ulla tenus se ingerere in ipsius cura exercitio prætextu cura habitualis in Ecclesia deservendi & administrandi sacramenta; quia tota cura actualis Vicario à jure commissa est. Lott. *loc. cit. n. 111.* Barb. Laym. *l. cit. citantes Abb. in c. exstirpanda. de prab. n. 15.* & Azor. *p. 2. l. 3. c. 6. q. 2.* Tertiò: nequeunt monachi, quorum monasterio annexa est parochia ratione cura (intellige habitualis) in ea prædicare; cum potestas ligandi & solvendi sit penes alium, nempe Vicarium. Gl. *in c. adjicimus. 16. q. 1.* apud Lott. *n. 108.* Quartò: Non tenetur Vicarius de cura respondere Rectori principali. Lott. *ibidem. n. 107.* Denique pro iuribus Vicariae sua retinendis aut recuperandis absque mandato Rectoris principalis agere potest Vicarius perpetuus. Laym. *l. c. n. 2. citans Sylv. vide eund. Laym. loc. cit. n. 2. citans Sylv. Vide Eudem Laym. p. 2. pag. 348.*

Quæstio 133. Quid juris habeat Vicarius participandi de massa distributionum, aliisque emolumentis?

1. R^Espondeo ad primum: Cum distributiones dicantur merx laboris, seu salarium operariorum psallentium in choro; aliisque divina pro cultu Ecclesie celebrantium; Vicarius, qui non est de corpore beneficiorum, neque deputatus ad servitium chori & Ecclesie, sed tantum ad exercitium cura & ministerium Sacramentorum, debet esse contentus sua congrua jam constituta extra has distributiones. Card. de Luca *de parob. d. 17. n. 6.* Participatio tamen distributionum practicari solet, quando Vicarius est unus de Capitulo, seu Collegio, cui annexa est cura, dictaque distributiones cedunt in locum congrua; ita ut ad instar Canonici penitentiarii assistens in confessionali aut alias in exercitio cura & administratione sacramentorum impeditus, habeatur pro assistente in choro. de Luca *ibidem.*

2. Respondeo ad secundum: regulariter loquendo, seu de jure ordinario jura omnia & emolumenta parochialis spectant ad eum, cui cura ha-

D 4
bitualis